



KENYATAAN MEDIA YAB KETUA MENTERI SABAH

Selaras dengan keputusan pelanjutan Perintah Kawalan Pergerakan Bersyarat (PKPB) di Negeri Sabah untuk tempoh 14 hari bermula 07 Disember 2020 hingga 20 Disember 2020 yang diumumkan oleh YB Menteri Kanan Pertahanan pada 05 Disember 2020, Kerajaan Negeri memutuskan untuk melaksanakan perkara-perkara berikut:-

A. PELANJUTAN PERINTAH KAWALAN PEGERAKAN BERSYARAT (PKPB) NEGERI SABAH

- 1 Perintah Kawalan Pergerakan Bersyarat (PKPB) di negeri Sabah dilanjutkan dengan memberi beberapa kelonggaran terhadap aktiviti ekonomi, pelancongan domestik, industri, hiburan dan pengangkutan awam.
- 2 Walau bagaimanapun, bagi lokaliti yang sedang menjalani Perintah Kawalan Pergerakan Diperketatkan (PKPD) di negeri Sabah, PKPD berkenaan akan terus berkuatkuasa sehingga tamat tempoh.

B. KEMASUKAN INDIVIDU KE NEGERI SABAH

- 1 Kemasukan individu ke negeri Sabah adalah **DIBENARKAN** untuk tujuan lawatan sosial bagi kategori berikut:
 - (i) Kemasukan domestik Warganegara Malaysia (pemegang MyKad, MyPR, MyKAS);
 - (ii) Pemegang pas-pas imigresen jangka panjang (bukan warganegara) yang sah tempoh; dan
 - (iii) Suami/isteri kepada rakyat Sabah dan tanggungan.
- 2 Semua individu yang akan masuk ke Sabah melalui pintu masuk udara, laut dan darat perlu menjalani ujian RT-PCR atau RTK-Ag COVID-19 tiga (3) hari sebelum perjalanan. Hanya individu yang mempunyai keputusan ujian negatif dan tidak bergejala akan dibenarkan masuk ke Sabah.

'SABAH MAJU JAYA'

C PERGERAKAN INDIVIDU KELUAR DARI SABAH

Individu dari Sabah ke Semenanjung perlu menjalani ujian RT-PCR atau RTK-AG COVID-19 tiga (3) hari sebelum berlepas dari Sabah. Hanya individu yang mempunyai keputusan ujian negatif dan tidak bergejala akan dibenarkan untuk meneruskan perjalanan.

D RENTAS NEGERI DAN RENTAS DAERAH

Pergerakan keluar / masuk merentas negeri dan daerah adalah **DIBENARKAN** tanpa perlu memohon Kebenaran pihak PDRM **KECUALI** bagi penduduk yang tinggal dalam lokaliti yang sedang menjalani PKPD.

E KAPASITI PENUMPANG DALAM KENDERAAN PERSENDIRIAN

TIADA HAD dalam kenderaan persendirian bagi orang yang keluar daripada rumah yang sama **TETAPI** hendaklah mengikut kapasiti tempat duduk kenderaan tersebut. Individu yang berisiko tinggi dan kanak-kanak tidak digalakkan keluar ke kawasan awam, terbuka dan sesak.

F PENGANGKUTAN AWAM

- 1 Perkhidmatan bas ekspres, bas pesisiran, bas henti-henti, keretapi, perkhidmatan feri awam dan bot penumpang yang melibatkan rentas negeri dan rentas daerah adalah **DIBENARKAN** beroperasi dengan kapasiti 50% serta pematuhan penjarakan fizikal dan pemakaian pelitup muka.
- 2 Perkhidmatan teksi dan *e-hailing* adalah **DIBENARKAN** beroperasi dengan maksimum dua (2) penumpang dengan pematuhan penjarakan fizikal di dalam kenderaan tersebut serta pemakaian pelitup muka.

G KAWALAN PERGERAKAN DI LAUT

- 1 Pergerakan keluar bot-bot kecil dari pulau-pulau di negeri Sabah ke tanah besar termasuk pergerakan bot-bot di kawasan pesisiran pantai hanya **DIBENARKAN** mulai jam 6.00 pagi hingga 6.00 petang dengan kapasiti 50%.
- 2 Pergerakan bot-bot nelayan di perairan ESSZONE yang berdaftar dengan Jabatan Perikanan **DIBENARKAN** dari jam 6.00 pagi hingga 6.00 petang (hanya di jeti-jeti yang dibenarkan sahaja). Kebenaran ini tertakluk kepada permit yang akan dikeluarkan oleh Ketua Polis Daerah berkenaan.

‘SABAH MAJU JAYA’

- 3 Pergerakan kapal-kapal berikut adalah **TIDAK DIBENARKAN** iaitu:
- Semua kapal *Non-Convention Ships* (NCS) Indonesia dan Filipina yang memasuki perairan ESSZONE, Sabah, Malaysia dan semua Kapal NCS Malaysia dari perairan ESSZONE ke Filipina dan Indonesia;
 - Kapal pengangkut ikan Indonesia ke Tawau; dan
 - Kapal NCS dari Filipina yang melalui perairan Sabah untuk ke W.P. Labuan.

H PELANCONGAN DOMESTIK, AKTIVITI REKREASI LAUT DAN SUNGAI

- Aktiviti pelancongan domestik adalah **DIBENARKAN** dengan kapasiti terhad serta mematuhi SOP berkaitan Sektor Pelancongan Domestik yang ditetapkan oleh Kementerian Pelancongan, Kebudayaan dan Alam Sekitar Sabah di semua daerah di Sabah **KECUALI** di lokaliti yang dikuatkuasakan PKPD.
- Aktiviti rekreasi laut dan sungai seperti *SCUBA diving, snorkelling, memancing, sea walking, jet skiing, fun rides, water rafting* dan *canoeing* adalah **DIBENARKAN** dengan kapasiti 50%.
- Muatan penumpang bagi bot yang membawa individu untuk aktiviti rekreasi laut adalah dihadkan kepada 50% dan mematuhi SOP yang ditetapkan oleh Kementerian Pelancongan, Kebudayaan dan Alam Sekitar Sabah.
- Aktiviti rekreasi laut dan sungai adalah **TIDAK DIBENARKAN** dalam lokaliti yang dikuatkuasakan PKPD.

I AKTIVITI EKONOMI, HIBURAN DAN PERKHIDMATAN

Bagi tempoh PKPB yang dilanjutkan ini, beberapa aktiviti ekonomi, hiburan dan perkhidmatan tertentu diberikan kelonggaran seperti berikut:

- Restoran, café, kedai makan, gerai makan, penjaja, dan kedai serbaneka **DILANJUTKAN** masa beroperasi bermula **jam 6 pagi hingga 12 malam**.
- Kelas tuisyen, kelas muzik, kelas tarian, kelas seni, kelas mengaji berbayar, kelas bahasa berbayar dan sebagainya **DIBENARKAN** beroperasi dengan tidak melebihi lima (5) orang dalam satu-satu masa serta tertakluk kepada saiz ruang dengan penjarakan fizikal.
- Aktiviti *busking*, persembahan muzik dan nyanyian di dalam lokasi tertutup dalam bangunan (seperti restoran, café, *shopping mall, lounge hotel*) adalah **DIBENARKAN** dengan kawalan masa persembahan dan jumlah penonton yang ditetapkan oleh Kementerian Komunikasi dan Multimedia (KKMM), Pihak Berkuasa Negeri dan Pihak Berkuasa Tempatan.

‘SABAH MAJU JAYA’

J OPERASI PEJABAT KERAJAAN NEGERI SABAH

Mulai 07 Disember 2020 (Isnin), kapasiti kehadiran ke pejabat Kerajaan Negeri adalah ditingkatkan dari 30% kepada 50%, manakala, selebihnya dikehendaki bekerja dari rumah. Arahan ini adalah terpakai untuk semua penjawat awam negeri Sabah termasuk Pihak Berkuasa Tempatan, Badan-Badan Berkanun Negeri dan Syarikat-Syarikat Berkaitan Kerajaan Negeri (GLC).

Saya menyeru semua penduduk di Sabah untuk sama-sama membudayakan norma baharu dalam kehidupan dengan mengamalkan pemakaian pelitup muka, menjaga jarak fizikal dan sentiasa membasuh tangan menggunakan sabun atau cecair pembasmi kuman.

Masyarakat dinasihatkan untuk menjalani ujian saringan dengan kadar segera sekiranya mempunyai kontak rapat dengan individu yang disahkan positif COVID-19.

Saya mendoakan agar penduduk di Sabah mendapat perlindungan daripada Yang Maha Esa. Marilah kita bersama-sama berdoa semoga pandemik ini akan segera berakhiri.

#kitajagakita #normabaharu

Sekian.

YAB KETUA MENTERI

5 Disember 2020

‘SABAH MAJU JAYA’